

Siunnersuummut nassuiaatit

Nassuiaatit nalinginnaasut

1. Aallaqqaasiut

Siunnersuutigineqarpoq Inatsisartut inatsisaata kalaallisut qulequtaa, oqaatsinut atorneqartunut nalinginnaanerusunut naleqqunnerusunullu, iluarsineqassasoq.

Inatsimmi § 4, imm. 1, nr. 12-imut allannguutissatut siunnersuummi, borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaat nr. 25, 30. december 2013-imeersumi § 2, § 12 aamma § 14 naapertorlugu akissarsiassat aamma qinigaajunnaarnersiutit borgmesterinut tunniunneqartut, ileqqaarnissamut tunngavissanik naatsorsuinermi ilaatinneqassanngillat, akissarsiat aamma ilaasortaajunnaarnersiutit borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. 24, 30. december 2013-imeersumi § 10, imm. 3, imaluunniit § 10, imm. 4 naapertorlugit pensionisianut tapiissutinut tunngavissiisut, ilaanatik.

Nalunaarut nr. 24, 30. december 2013-imeersoq ilaatigut borgmesterinut taakkualu aappaannut meeraannullu soraarnerussutisianut tunngassuteqarpoq. § 1, imm. 1 naapertorlugu borgmesterit ulloq 1. maj 2013 sioqqullugu borgmesteritut sulisimasut, pineqartuq piffissami qinersiviusumi 2013-imi naasumi minnerpaamik ukiuni 4-ini taamatut sulisimappat, aammalu kommunit aqunneqarnerat pillugu Inatsisartut inatsisaat nr. 22, 18. november 2010-meersumi (Inatsisartut inatsisaanni nr. 6, 29. november 2013-imeersumi allanngortinneqartumi) § 67a, imm. 3 naapertorlugu aqqissuussinermi tassani ilaalernissamik toqqaasimasut, tjenestemandinut soraarnerussutisianut assingusumik nammineq soraarnerussutisianut aqqissuussinermi pineqartunut ilaasinnaapput.

Nalunaarut malillugu borgmesterit pineqartut minnerpaamik ukiuni 8-ni borgmesteriusimagunik, borgmesterit nammineq soraarnerussutisiaqarnissamut pisinnaatitaapput. Nammineq soraarnerussutisiat maleruagassat Kalaallit Nunaanni tjenestemandinut atuuttut malillugit naatsorsorneqartarput.

Maleruagassat atuuttut malillugit, Kalaallit Nunaanni Namminersornerullutik Oqartussani aamma kommunini tjenestemandit pillugit Inatsisartut inatsisaat malillugu tunniunneqartartut, soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut inatsisaanni ileqqaarnissamut tunngavissanik naatsorsuinermi ilaatinneqartarput. Tamatumunnga pissutaavoq tjenestemandit tjenestemandinut soraarnerussutisianik aqqissuussinermi pineqartunut ilaatinneqarnerat. Maleruagassanik tjenestemandit

tjenestemanditut aningaasarsiaminnit annertunerusunik soraarnerussutisiassanik ileqqaarnissamik pisussaaffiliisunik pisariaqartitsisoqarpassigani, tjenestemandinut ataasiakkaanut, tjenestemandinut soraarnerussutisianik aqqissuussineq iluseqarpoq annertussuseqarlunilu.

Aamma borgmesterinut taakkualu nammineq soraarnerussutisiaqarsinnaatitaanerannut tunngatillugu isummersornerit taamaaqatai atuupput.

2. Siunnersuummi immikkoortut pingaarnertit

Siunnersuutigineqarpoq Inatsisartut inatsisaata kalaallisut qulequtaa, oqaatsinut atornegartunut nalinginnaanerusunut naleqqunnerusunullu, iluarsineqassasoq.

Ileqqaarnissamut tunngavissanik naatsorsuinermit borgmesterinut pineqartunut akissarsiarititat ilaatinneqannginneranni, borgmesterit aqqissuussinerup borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. 24, 30. december 2013-imeersoq naapertorlugu ilaaffigisamik saniatigut soraarnerussutisiaqalernissaminnut annertunerusunik ileqqaarnissamik pisussaaffilerneqarnissaat, pinngitsoortinneqassaaq.

Soraarnerussutisiaqalernissamut aqqissuussinermit peqataasussaataitaanermi siunertaavoq, soraarnerussutisialinnut pitsaasumik aningaasaqarnikkut tunngavissiinissap qulakkeernissaa, aammattaarlu piitsuunnginnissaasa isumagineqarnissaa. Soraarnerussutisiaqalernissamut aqqissuussinermit peqataasussaataitaanerup siunertaa taamaalilluni, inuup borgmesteriusimasup soraarnerussutisialittut inuunissaanut, borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. 24, 30. december 2013-imeersoq naapertorlugu soraarnerussutisianik aqqissuussineq atorlugu, aningaasaqarnikkut tunngavissaqarnissaata qulakkeerneratigut, naammassineqassaaq.

Siunnersuutip inatsimmut atuuttumut sanilliunna	
<i>Oqaasertaliineq atuuttoq</i>	<i>Siunnersuut</i>
	§ 1
	Soraarnerussutisiaqarnissamut aqqissuussinermit pinngitsoorani ilaanissaq pillugu Inatsisartut inatsisaat nr. 21, 28. november 2016-imeersumi makkua allangortinneqarput:
Soraarnerussutisiaqarnissamut aqqissuussinermit pinngitsoorani ilaanissaq pillugu Inatsisartut inatsisaat	1. Inatsisartut inatsisaata qulequtaa imatut oqaasertalerneqarpoq: ”Soraarnerussutisiaqalernissamut

	aaqqissuussinermut peqataasussaataaneq pillugu Inatsisartut inatsisaat”
<p>§ 4, imm. 1. Ileqqaarnissamut tunngavissanik naatsorsuinermi makku naapertorlugit tunniunneqartartut ilanngunneqassanngillat:</p> <ol style="list-style-type: none"> 1) Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaat, 2) Tjenestemandit Inatsisartut suliffeqarfiini atorfillit pillugit Inatsisartut inatsisaat, 3) Naalagaaffimmi tjenestemandit atorfillit Kalaallit Nunaanniittut pillugit inatsit 4) Inuit annertuumik innarluutillit ikiorserneqartarnerat pillugu Inatsisartut peqqussutaat, 5) Meeqqanut tapiissutit pillugit Inatsisartut inatsisaat, 6) Meeqqanik inuusuttunillu ikiorsiisarneq pillugu Inatsisartut peqqussutaat, 7) Pisortanit ikiorsiissutit pillugit Inatsisartut peqqussutaat, 8) Utoqqalinermi pensionisiat pillugit Inatsisartut inatsisaat, 9) Siusinaartumik pensionisiat pillugit Inatsisartut inatsisaat, 10) Inissiani attartukkani ineqarnermut tapiissutit pillugit Inatsisartut inatsisaat, aamma 11) Ilinniagaqarnersiutit pillugit Inatsisartut inatsisaat. 	<p>2. § 4, imm. 1-imi, imatut oqaasertalerneqarpoq: ” Ileqqaarnissamut tunngavissanik naatsorsuinermi makku naapertorlugit tunniunneqartartut ilanngunneqassanngillat:</p> <ol style="list-style-type: none"> 1) Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaat, 2) Tjenestemandit Inatsisartut suliffeqarfiini atorfillit pillugit Inatsisartut inatsisaat, 3) Naalagaaffimmi tjenestemandit atorfillit Kalaallit Nunaanniittut pillugit inatsit 4) Inuit annertuumik innarluutillit ikiorserneqartarnerat pillugu Inatsisartut peqqussutaat, 5) Meeqqanut tapiissutit pillugit Inatsisartut inatsisaat, 6) Meeqqanik inuusuttunillu ikiorsiisarneq pillugu Inatsisartut peqqussutaat, 7) Pisortanit ikiorsiissutit pillugit Inatsisartut peqqussutaat, 8) Utoqqalinermi pensionisiat pillugit Inatsisartut inatsisaat, 9) Siusinaartumik pensionisiat pillugit Inatsisartut inatsisaat, 10) Inissiani attartukkani ineqarnermut tapiissutit pillugit Inatsisartut inatsisaat, 11) Ilinniagaqarnersiutit pillugit Inatsisartut inatsisaat, aamma 12) Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il. il. akissarsiaqartitsineq pillugu Namminersorlutik Oqartussat nalunaarutaanni nr. 25, 30. december 2013-imeersumi § 2, § 12 aamma § 14, akissarsiat

	aamma ilaasortaajunnaarnersiutit borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. 24, 30. december 2013-imeersumi § 10, imm. 3, imaluunniit § 10, imm. 4 naapertorlugit pensionisianut tapiissutinut tunngavissiisut, ilaanatik.”
	§ 2
	Inatsisartut inatsisaat ulloq 1. januar 2020 atuutilerpoq, aammalu ukioq isertitaqarfiusoq 2019 aallarnerfigalugu atuutilerluni.

3. Pisortanut aningaasaqarnikkut allaffissornikkullu sunniutaasussat

Siunnersuut pisortanut sunniuteqassanngitsoq naliliisoqarpoq

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuut inuussutissarsiortunut sunniuteqassanngitsoq naliliisoqarpoq

5. Avatangiisinut, pinngortitamut aamma inuit peqqissusaannut sunniutaasussat

Siunnersuut pinngortitamut, avatangiisinut imaluunniit inuit peqqissusaannut sunniuteqassanngitsoq naliliisoqarpoq.

6. Innuttaasunut sunniutaasussat

Siunnersuut innuttaasunut annertuunik sunniuteqassanngitsoq naliliisoqarpoq. Taamaattoq oqaatigineqassaaq, borgmesterit pineqartut immikkut saniatigut soraarnerussutisiassanut ileqqaarnissamik pisussaaffeqaannartussaammata, tamatumalu kingunerisaanik borgmesterip ataatsimut katillugu soraarnerussutisiassanut ileqqaarnera annikillisinneqassaaq.

7. Sunniutaasussat annertuut allat

Siunnersuut allanik taasarialinnik sunniuteqassanngitsoq naliliisoqarpoq.

8. Oqartussanik kattuffinnillu il.il. tusarniaaneq

Siunnersuut tusarniaanermut nittartakkamiissimavoq, kiisalu piffissami 18. oktober 2018 - 23. november 2018 tusarniaaffigineqartunut makkununga nassiunneqarluni:

Tusarniaanermut killissaliussap naanerani tusarniaanermut akissutinikik SISA-mit, GE-mit, Kommune Kujallermit, Pinngortitamut, Avatangiisinut Ilisimatusarnermullu Naalackersuisoqarfimmit, Aatsitassanut Suliffeqarnermullu Naalackersuisoqarfimmit, Aalisarnermut, Piniarnermut Nunalerinerimullu Naalackersuisoqarfimmit, Isumaginninnermut

Inatsisinillu Atuutsitsinermut Naalakkersuisoqarfimmit, Naalakkersuisut Siulittaasuata Naalakkersuisoqarfiani Nunamut namminermut immikkoortortaqarfimmit, Peqqissutsimut Naalakkersuisoqarfimmit aamma Ilinniartitaanermut, Kultureqarnermut Ilageeqarnermullu Naalakkersuisoqarfimmit, tigusaqartoqarpoq.

Oqaaseqaatit tiguneqartut matuma kinguliani nalinginnaasumik allanneqarlutik allassimapput, Naalakkersuisut oqaaseqaataat *uingasumik* allassimallutik.

GE isumaqarpoq siunnersuut paasinarluartoq. Taamaattoq aamma namminersorlutik inuussutissarsiortut ilaaterlugit siunnersuut annertusitinneqartariaqaraluarpoq. Aningaasaliinissamut tunngaviusut killeqartut namminersorlutik inuussutissarsiortut atugarisagaat, soraarnerussutisianut ileqqaarutini suliffeqarfimmeereersuni ileqqaarnissamut pinngitsaaliinermut annikillisinneqartariaqanngikkaluarput. Soraarnerussutisiaqalernissamut aaqqissuussinermut peqataasussaataitanerup namminersorluni inuussutissarsiortunerup iluani inuussutissarsiutinik ineriartortitsineq aamma nutaaliorneq akimmisaartittussaavaa. Ileqqaagassat inatsimmi qulakkeerniarneqartut, namminersorluni inuussutissarsiortunut tunngatillugu suliffeqarfippiamiitinneqartarput.

Namminersorlutik inuussutissarsiortut amerlasuut soraarnerussutisianut ileqqaagaqalersimasanngillat. Namminersorlutik inuussutissarsiortunut tunngasut akissarsialinnut tunngasut assigeqqissaassanngikkaat, inatsimmi atuuttumi sillimaffigineqarpoq. Namminersorlutik inuussutissarsiortut soraarnerussutisianut aaqqissuussinernut akiliuteqarnissaannik piumasaqaatit taamaalillutik akissarsialinnut atuuttut affaasa missaanniipput.

Namminersorlutik inuussutissarsiortut akissarsialittulli soraarninngorunik immikkut isertitaqarnissaminnik qulakkeerinninnissaq pingaartippaat. Namminersorlutik inuussutissarsiortut tamarmik annertunerusumik pisuussuteqalersimasussaannngillat, soraarninngorunik immikkut taamatut isertitaqarnissamik qulakkeerinnissinnaasunik. Ataatsimut isigalugu maleruagassat atuuttut namminersorlutik inuussutissarsiortut suliffeqarfimminni ineriartortitsinermut aningaasaliinissamut immikkut pisariaqartitsinerat aammalu soraarninngorunik immikkut isertitaqarnissamik pisariaqartitsinerat naleqquttumik eqqarsaatigineqartoq, maleruagassat atuuttuni takuneqarsinnaavoq.

Borgmesterit marloriaammik soraarnerussutisianut sillimaserneqarnissaat piumasaqaatigineqartariaqanngitsoq, taamaattumillu borgmesterit akissarsiaat soraarnerussutisiaqalernissamut aaqqissuussinermut peqataasussaataitanermut naatsorsuinermi tunngavissani ilaatinneqartariaqanngikkaluarpoq, Kommune Kujalleq isumaqataavoq.

Soraarnerussutisiaqalernissamut aaqqissuussinermut peqataasussaataitaneq pillugu maleruagassat 1. januar 2018 atuutillermata, taamaalillutillu aamma 2018-imi ukiumut

isertitaqarfiusumut atuussimmammata, kommunip eqqaasissutigaa. 2018-imi borgmesterinut immikkut soraarnerussutisianut aaqqissuussinernik pilersitsinissamik inatsisip pisariaqalersitsisimaneranik kommuni ilisimasaqanngilaq, kisianni inatsimmi allannguutit, siunnersuutigineqartutut 2019-imit pinnani, 2018-imi ukioq isertitaqarfiusoq aallarnerfigalugu atuutilersinnissaat tunngaviusunik tunngaveqartumik isumaliutersuutigineqarsinnaassagaluarpoq.

Innuttaasunut taamaallaat iluaqusiisussamik kingumoortumik atuutilersumik inatsisunik allanngortitsineq, inatsisinit naliliineq aallaavigalugu isumaatsoorneruvoq.

Taamaattoq siunnersuut suliaqarnermi ajornakusooruteqartussaavoq. Siunnersuut kingumoortumik 2018-imit atuutsinneqalissappat, inatsit siunnersuutigineqartutut 1. januar 2020 atuutilernerani, ulloq 1. juli 2019 atuutilissasoq ilimanarpoq. Akileraartarnermut Aqutsisoqarfiup inatsisip atuutilernerani, ileqqaarnissamut tunngavissat taakkua eqqortumik naatsorsorsinnaajumallugit, borgmesterit soraarnerussutisianut akiliutaat pillugit kommuninit paasissutissanik annertunerusunik piniartussaassaaq. Paasissutissat 2019-imi juuli naatinnagu, paasissutissanik allannguuteqartunik nalunaarutiginninnissamut piffissaliussap naanerani, inissereersimassasut ilimanarpoq. Taamaattoqassappat tamanna qaammammi sulinnigiffeqarfiusumi pisussaammat, kukkusoqarnissaata aarlerinaateqarnera annertunerusussaavoq. Borgmesterit immikkut soraarnerussutisianut aaqqissuussissariaqalerlutik pisunik ataasiakkaanik Naalakkersuisut aamma ilisimasaqannginnerat eqqarsaatigalugu, siunnersuut ajornakusoorutitut, siunnersuuttip 2018-imit kingumut atuutilersinneqarnissaanut tunngassuteqartunut, naleqquttumik nallersuussinnaanngippasippat.

Kommune Kujallip tamatuma saniatigut tikkuarppaa, borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiittaliat ilaasortaannut il. il. akissarsiaqartitsineq pillugu nalunaarummut nr. 25, 30. december 2013-imeersumut tunngatillugu ajornartorsiuteqarsinnaasoq, tassami borgmesterit piffissaq qinersiviusoq 2013-imi naasoq sioqqullugu piffissani qinersiviusuni minnerpaamik ukiumi 4-ni atuussimasut soraarnerussutisiaqartinneqarnissaat qulakkeerneqanngimmat.

Oqaaseqaat taanna siunnersuummut tunngassuteqanngimmat, tusarniaanermut akissuteqaat Nunami Namminermi immikkoortortaqarfimmu erseqqinnerusunik isumaliutersuutigineqarnissaa siunertaralugu ingerlateqqinneqarpoq.

Tusarniaaffigineqartut allat siunnersuummut oqaaseqaateqanngillat.

Aalajangersakkanut ataasiakkaanut nassuiaatit

§ 1-imut

Nr. 1-imut.

Siunnersuutigineqarpoq Inatsisartut inatsisaata kalaallisut qulequtaa, oqaatsinut atorneqartunut nalinginnaanerusunut naleqqunnerusunullu, iluarsineqassasoq.

Nr. 2-mut.

Siunnersuutigineqarpoq § 4, imm. 1-imi nr. 12 ikkunneqassasoq, taamaalilluni akissarsiat inuup borgmesteritut inissisimasimanagera naapertorlugu tiguneqarsimasut Soraarnerussutisiaqalernissamut aqqissuussinermut peqataasussaatitaanermi ileqqaarnissamut tunngavissanik, pisuni aalajangersimasuni, naatsorsuinermi ilaatinneqassanatik. Aalajangersakkami akissarsiat borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaat nr. 25, 30. december 2013-imeersumi § 2, § 12 aamma § 14 naapertorlugit tiguneqarsimasut ilaatinneqanngillat, akissarsiat aamma ilaasortaajunnaarnersiutit borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. 24, 30. december 2013-imeersumi § 10, imm. 3, imaluunniit § 10, imm. 4 naapertorlugit pensionisianut tapiissutinut tunngavissiisut, ilaanatik.

Siunnersuummi siunertaavoq ukiumut borgmesterit kallarneqartut akissarsiaasa, ileqqaarnissamut tunngavissanik naatsorsuinermi ilaatinneqannginnissaat. Taamatuttaaq borgmesterit qinigaajunnaarnersiutaat aammalu borgmesteri toqukkut qimagunnermini borgmesteriusimappat, imaluunniit toqukkut qimagunnermini borgmesteritut atuussimanerminit qinigaajunnaarnersiuteqarsimappat, borgmesterip aappaanut imaluunniit meeraanut 18-it inorlugit ukiulinnut qinigaajunnaarnersiutit, ilaatinneqassanngillat.

Taamaalilluni ilanngussinermi taamaallaat siunertaavoq, pineqartup borgmesteritut atuunnermut ilaatillugu akissarsiat tigusimasai soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-imeersumi ileqqaarnissamut tunngavissanik naatsorsuinermi ilaatinneqannginnissaat, aammalu borgmesterip tulliatut imaluunniit kommunalbestyrelsimut ilaasortatut il. il. atuuffeqarnermut ilaatillugu akissarsiat tiguneqarsimasut tassani pineqaratik.

§ 2-mut

Inatsisartut inatsisaat ulloq 1. januar 2020 atuutilerpoq, aammalu ukioq isertitaqarfiusoq 2019 aallarnerfigalugu atuutilerluni.